



Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 119. Germani milites soluta Carnutensi obsidione in patriam reversi.

[urn:nbn:de:hbz:466:1-67213](#)

§. CXIX.

Sæcul. XVI.
A.C. 1568.

*Germani milites soluta Carnutensi ob-
fidione in patriam reverfi.*

Ceterum in Carnutensi obsidione ex *Thu. I.e.*
obfessis nonnisi ducenti fuere desi-
derati, atque ex his præcipue Calvimon-
tius, seu Caumonius Lignerii Legatus, qui
in ædibus Fratrum Prædicatorum sepul-
tus est una cum Ardeleo decem Vasco-
nicorum signorum Ductore, qui cum
ad muri ruinam excubaret, ictu sclo-
peti occubuit: porro hunc in Ecclesia
Cathedrali terræ mandari recusabant
Canonici, regia tamen auctoritate de-
cretum, ut in hoc templo sepeliretur:
verum Canonici, ut loci religionem tue-
rentur, noctu demortui cadaver in
templum vicinum transtulerunt.

Nec multo major occisorum nume-
rus erat ex fœderatis urbem obsidenti-
bus; quippe nonnisi trecenti circiter
partim Germani, partim Galli perie-
runt: mox vero Casimirus, qui Ger-
manæ Nationis milites duxerat, Hei-
delbergam ad Electorem patrem suum
profectus est, ubi Guilielmus Nassovius
Arausionensis Princeps Belgio pridem
relicto auxilia contra Albani conatus pro
religionis defensione, ut ajebat, peti-
turus eum opperiebatur.

Postea

Sæcul. XVI
A.C. 1568.

Postea a Fœderatis Calvinistis Regi omnes urbes in hoc bello a tempore quo Meldis eundem aggredi tentabant, captæ restituebantur, eæque erant Augusta Suessonum, Antissiodorum, Aurelianum, Blæsæ, & charitæum oppidum: verum Rupellenses, Sacro-Cæfarei, Montaldenses, Millaldenses, Cadurcenses, Albigenses, Castro-Albenses, & Viceliacenses in Burgundia Regi obtemperarè renuebant, ex quarum pertinacia novum fuscitabatur bellum, quod sexto post anno in apertas erupit flammæ: interea vero Princeps Condæus, atque Archithalassus dimissis copiis suis, cum Regi sese committere non auderent, secesserunt, & quidem maris Præfectus ad ditionem suam Castellionum ad Ligerim, Condæus vero Nucetum in Antissiodorensi Provincia situm abiit, ubi ambo cum factionis suis sociis frequens habebant colloquium, spe concepta, se brevi rursus ad arma convolaturos, quamprimum opportuna se offerrat occasio.

§. CXX.
Calvinistarum querelæ contra Francia Regem.

*Thu. l. 44.
in fine.*

Enimvero Calvinistæ paulopost querendi obtentus undique quærebant; postquam enim Rex urbes sibi redditas

pra-